

IV.

Bernhardus,
fol. 10.
Radulphus
Ardens.

IV. Endlich sollen wir bey diesem Kindlein auch der Demuth vns erinnern / vnd mit ernst für Hoffart gewarner seyn. Denn darumb hat er ein kleines demütiges Kindlein werden wollen: Wie auch S. Bernhardus andeutet / da er schreibt: Ipse parvulus, ut nos parvuli efficiamur: Christus ist ein kleines Kindlein worden / auff das auch wir klein vnd demütig werden möchten. Vnd Radulphus Ardens: Parvulus corpore, parvulus humilitate, parvulus reputatione, &c. In omnibus exemplum humilitatis nobis demonstravit, &c. Christus ist klein von Leibe / klein in Demuth / wird auch gering geachtet / &c. auff das Er in allem vns ein Exempel der Demuth zeigen möge.

So viel auff dimal.

Das wir nun dis alles in einem gläubigen Herzen mögen wol behalten / vnd recht gebrauchen / das Kindlein Jesum / welches vns zu gut geboren ist / recht erkennen / vnd dasselbe in vnser Herz schliesen / vnd seiner hie zeitlich vnd dort ewiglich vns zu trösten vnd zu erfreuen haben. Dazu wolle vns allen verhelffen / Gott Vater /

Gott Sohn / vnd Gott heiliger Geist / ein hochgelobter
Gott / von nun an bis in Ewigkeit / Amen /

HERR Jesu Christe /
Amen.



Die